

- ایدرایدم اما اول سزی روح القدس ایله تعمید ایدمه جکدر دیر ایدی
 ۹ * ایمدی اول کونلرده واقع اولدیکه عیسی جلیله کائن ناصر تدن کلوب
 ۱۰ اردنده یحیی دن تعمید اولندی * ودر عقب صودن چیقار ایکن سموات
 شق اولنوب روحك کوکرجین کی انك اوزرینه نزول ایتدیکنی کوردی
 ۱۱ * وسمواتدن راضی اولدیغم سوکیلو اوغلم سن سن دیو بر آواز مسموع
 ۱۲ ۱۳ اولدی * ودر عقب روح انی بریه یه سوق ایتدی * واوراده
 قرق کون بریه ده قالمغه شیطاندن امتحان اولسهرق وحشی
 حیوانلر ایله برابر بولنوب ملائکه اکا خدمت ایدرلر ایدی
 ۱۴ ویحیی حبس اولندقدن صکره عیسی جلیله کثوب ملکوت اللهك
 ۱۵ بشارتنی و غظ ایدوب * وقت تمام اولدی و ملکوت الله یقیندر
 توبه ایدوب بشارته ایمان کتورک دیر ایدی
 ۱۶ و جلیل دکرینک ساحلنده کزر ایکن مسموع ایله قرنداشی
 اندراوسی دکره آغ آتورلر ایکن کوردی. زیرا انلر بالقی آوجیسی
 ۱۷ ایدیلر * و عیسی انلره اردمجه کلک بن سزی بنی ادم آوجیسی ایدیم
 ۱۸ دیدکده * انلر در عقب کندی آغلرینی ترک ایدوب اکا تابع
 ۱۹ اولدیلر * واورادن بر از ایلر و کچوب زبیدی اوغلی یعقوب ایله
 قرنداشی یوحنا یی کوردی. بونلر دخی قایقده آغلرینی تعمیر ایدیورلر
 ۲۰ ایدی * ودر حال انلری چاغردقده انلر بابالری زبیدی یی الشجیلر ایله
 برابر قایقده ترک ایله اکا تابع اولدیلر.

- ۲۱ و کفر ناحومه داخل اولدق لرنده (عیسی) در عقب سبت کوننده
 ۲۲ جماعته واروب تعلیم ایتدی * انلر دخی تعلیمه حیران اولدیلر. زیرا

(۱) مت ۱۳ لقا ۳ ۲۱ (۱۰) یوح ۱ (۱۱) با ۷ ۹ مز ۷ اشع ۱۸ مت ۱۷ وبا ۱۷
 ۲۰۰ بطا ۱۷ (۱۲) مت ۱ لقا ۱ (۱۳) مت ۱۱ (۱۴) سنه ۳۰ نهایتلنده ۰ مت
 ۱۲ لقا ۱۴ یوح ۱۴ (۱۵) مت ۲۳ وبا ۱۷ (۱۶) مت ۱۸ الخ لقا ۲۰ الخ (۲۱)
 سنه ۳۱ ۰ مت ۱۳ و ۲۳ لقا ۳۱ (۲۲) مت ۲۸ ۷ لقا ۳۲